



浮查集元

賦辭詩序

~ 16
2365
1



和
2365
1-4

浮查先生文集序



嶺中山水雄拔秀麗清澗
之氣鍾于人而為英俊之士由
羅冠互 聖朝指不勝屈地
靈人傑果如挺矣 中明之際
文化之盛可必超漢唐而結三

代牙時有是退溪南冥二先生
施教於嶺南及門之士出而致
驥而需車之用愛而履屈為
獨靠之人流風遺韻實有與
友而興起者焉浮查成先生
生于以流之下少踰一厲不擇

於書世不讀遊南冥龜巖
之門得中一教我與孝悌忠信
之訓終身服若博究六經性
理之旨茂為文章理明而若
達焉健而質實一時採觚者
咸推而首肯後友解凡二十

四而晚寒瓊蓮值之昏亂遂
決長遠之計一因以高臥以先
生之言才遠學無試之而
終焉而鄉里之老學究可止焉
則君子謂之命也然先生之道
雖不能進而有所退復素梓甘

本草木曰腐志撰於水石之
間之盟於麋鹿之聲汲遠而
世間以名水大易所謂確乎
不拔之君子乎讀集中一鷄黍
約述山錄中篇可以見先生之
風流瀟灑氣象和恭談三

字解一晚悟此歲所以知先生
自修之工克而猶為讀杖上斷
編可以悉先生學問門路之正吾
生也晚恨不執杖而承警
款於南台也先生又能推其
學以及於人開齋一塾之教

而後學焉成就之行以約之澹
而鄉黨焉化導之及其歿也
多士服其遺風未泯今去先
生之在百五十有餘年而人
莫不曰浮查淳查則先生之
道可謂在步一吋而伸一於後

在矣又以城烏先生著述在
富而遭四祿之災舉入灰燼
以傳無幾先生耳孫東益師
瀘撥拾於斷爛之中為若干
卷將為鐸梓奉遺猶駭出
幾千里而靖校於不傷且誌

卷首之文不傷密於東儒子
實及涪川師友錄中略記先
生言行以何幸得親全集之
為快否不文辭拜受而讀
校訛謬正篇次謹序而歸
之以寓平日仰止之忱耳

告

上之九年丁巳五月甲子後學

漢山安鼎福序

浮查先生文集目錄

卷之一

詩

五言絕句

巖上郎事

詠喜贈朴凌虛敏

鑷鬢吟并序

謝李汝義來訪

觀節序

和鄭希善一甲會新舊吟

漕溪新亭

贈別李希仁 宗榮 二首

雞黍會吟贈諸君

金陵途中贈別鄭輝遠 蘊韻 號相

次李山立 屹韻 號蘆 坡

過灌圃遺墟

次孫七休 舜亭韻 并序

附原韻

七休

五言律詩

贈趙鳳岡 璠

龍潭渡口和鄭輝遠韻

附原韻

相溪

次鑄寄兩弟韻回寄鑄

贈別李咸陽 大期

贈別南兵使 以興 移節關西

次李長而文汝幹 弘運 酬唱韻

挽李咸陽

挽李茅村 澗

挽吳府尹 澗號 白巖

挽鄭進士 承尹

五言古詩

和王摩詰白髮歎

病起吟

我有一歌五章章十句

次長孫瀚求韻

感舊遊一章憶亡友河子常恒

六言絕句

和百泉寺一甲會韻

七言絕句

學勿失時

過勿憚改

閒中悼懷

批子鑄陳情和詩叙

過亡兄舊居

寓居嘉坊月夜詠懷

遊青谷寺四章

敬次灌圃魚先生雙磎寺八詠樓韻并序

觀物

江湖晚興

九月將盡

到青谷逢金察訪永續李忠義城柳秀才仁培諸

君琴酒會話

夢與巴山李明恕兄弟話

觀姜秀才讀中庸

贈吳仲賢

夢與朴子澄話

人日未題詩

里仁為美

觀毛文龍檄書

謝安君明仲折贈一枝梅名彰漢號陽谷

東都遺跡二十七首

西都遺跡十二首

過石灘有感

威化島

首長寺

到賢堂吟

騎牛渡水

次權冲齋撥韻

附原韻

冲齋

赴遊山約二首

上山

頭流歸路遇鄭察訪允穆吟贈一絕

附次韻

鄭察訪

九曲詩并序

養直堂八詠

卷之二

七言律詩

謝南兵使以興饋碧魚

雙磎寺八詠樓感舊吟

江上遇鄭察訪并記

東都懷古

西都懷古

與百忍齋李子舉鯤變韻

和河子敬性鳥嶺途中韻

和搗碧堂韻

凝石寺與趙瑩然璣兄弟相和

與鳳岡訪凌虛書樓仍次其韻

次鳳岡會睦隣亭韻三首

贈崔汝凝游

上法界寺

挽郭忘憂堂 三首

挽吳府尹

挽李梧月堂 惟誠

挽河滄洲 澄

挽姜士存

七言古詩

思歸吟

山中吟

返舊居行

記所見一章章五十句

記所見長篇

遊仙辭贈趙鳳岡

逢君話君歌一闕贈送李提督三省赴重試之行

遊頭流山詩 并序

辭

舸樵辭

賦

和鑽兒病中述懷賦

次別知賦贈別金東籬 允安

卷之三

浮查集

卷一

目錄

六

疏

量田時陳弊疏

書

代金將軍德齡上體察使李公元翼書

代晉陽儒生等為金將軍伸冤上體察使書

上武學御使請立武成王廟書

代晉陽諸生上觀風使求經史書

答曹漆原次磨書

與曹主簿書

序

知息舍揭號序

喜得族譜序

跋

聯珠詩跋

記

養直堂記

伴鷗亭記

翠香堂記

釀和堂記

知息舍名堂室記

晉陽全城記

書樓記

卷之四

上梁文

翠香堂上梁文

鍾美堂上梁文

宜寧客舍上梁文

浮查亭上梁文

謝鋪巖製送浮查亭上梁文

鋪巖

箴

學一箴

晚寤箴

惺惺齋箴 并序

東方諸賢贊 二十首 并跋

崔文昌贊

鄭圃隱贊

吉治隱贊

徐掌令贊

李參議贊

金籠巖贊

元進士贊

佔畢齋金先生贊

寒暄堂金先生贊

一蠹鄭先生贊

靜庵趙先生贊

慕齋金先生贊

晦齋李先生贊

退溪李先生贊

濯纓金先生贊

花潭徐先生贊

虛庵鄭先生贊

冲庵金先生贊

聽松成先生贊

圭庵宋先生贊

碑銘

晉州牧使金公全城卻賊碑銘 并序

晉州營將姜公軍卒頌德碑銘 并序

墓誌

長鬢署縣監姜公墓誌

祭告祝文

小科後親瑩掃告文

祭祖父母文

祭先祖司諫府君墓文

祭婦翁朴公文

祭李茅村瀟文

祭河滄洲愷文

文興書院奉安祝文

卷之五

雜著

三字解

七宜窩說

經畧策

聞雞起舞論

疑

雞黍約錄序

雞黍約錄記

芝叟

雞黍錄

方丈山仙遊日記

琴山洞約并序

卷之六

浮查集

卷一

目錄

十

從遊諸賢錄并序

附追補

枕上斷編

目錄終

卷之七

附錄目錄

世系

年譜

卷之八

言行錄

行狀

墓碣銘并序

挽詞

祭文

奉安文

常享文

浮查先生文集附錄目錄終

浮查先生文集卷之一

詩

五言絕句

巖上卽事

北望城千堞西瞻山萬疊一帶烟波中漁歌聲斷續

詠喜贈朴凌虛 敏

見子婦性順見孫婦心良良順吾所喜杯杯興味長

鑷鬚吟 并序

戊午夏五之念翁卧浮查亭令兒輩用鑷拔兩鬚白毛兒輩曰若欲拔白鬚毛殆盡矣翁推枕



驚起曰翁之老一至此乎翁嘗用杜工部竊比稷契之語竊比於已而稷契做未得晚年自稱少仙而真仙亦未成今鑷鬚而招兒輩之笑良可笑也然有命焉其如命何聖人云七十從心所欲不踰矩余庸人也安敢以聖人自期雖未能不踰矩自放於佳山美水從所欲而遊之則亦庶幾乎從心矣

此契徒虛語求仙亦未詳君民計已左休鑷鬚邊霜
謝李汝義來訪

乘月故人來秋風黃葉裏重期何處宜甘巖山上寺

觀節序

壠麥波千頃吳蠶八拜眠倚窻觀節序田野頌豐年
和鄭希善一甲會新舊吟

雲山無改變世事多紛更惟有臺前水泠泠非世情

槽溪新亭

青山亭上下流水屋西東客到清和節階前芍藥紅

贈別李希仁

宗榮二首

君渡松江我倚龜村樹江村從此分佇立空回首
取友已半百斯人豈易得空懷兒女情悵望宜春北
雞黍會吟贈諸君

楓葉心同赤黃花志共香百年雞黍樂松栢雪中剛

金陵途中贈別鄭輝遠

蘊韻 疏桐 溪

共渡千尋漢同排九重雲金陵此分手離思奈紛紛

壬寅春先生與鄭蘊亭增諸賢疏崔守愚郭義士寬歸路至金陵驛前分手相贈桐溪詩曰洛城千里共排雲今日臨歧不忍分芳草夕陽歸路永君思我處我思君

次李山六此韻

疏蘆 坡

橋邊驅馬日溪上眼青時山齋天又雪添卻一清詩

過灌圃遺墟

芙蓉峯下水流過混沌庵灌圃翁何去遺墟鎖翠嵐

次孫七休舜孝韻并序

圃隱鄭先生殷民中伯夷宋臣中天祥其精忠直節撐柱乾坤凜凜千秋常有生氣孫按察之廢美權貳相之崇獎豈不冝哉吾鄉有鄭秀才願一日袖一紙來示余余披而閱之乃先生追贈職號及孫權兩賢廢墓詩也余於是見而三復焉三歎焉願乃先生八代孫也亂離之餘不共此紙而使後人歎賞之豈非幸歟噫孫權兩賢亦當世節義士也其精神氣槩呈露於二絕句煒煌於一紙中當與忠義伯合為一傳豈不偉歟余次兩賢詩韻追錄於兩詩之後續狗之

謂其可免乎然好善之性慕賢之心不以賢愚
而豐嗇敢不吟出吾性情咏言吾微志也哉丁
巳春初誌

孤竹聳蒼空肯為霜雪侵顛風雖折半活葉表貞心

附原韻

七休

老竹中自空不憚風雨侵風伯莫高怒恐傷此君心

五言律詩

贈趙鳳岡璣

休休查上老落落鳳岡仙共入雲山裏同遊石室邊看碁
連席坐論抱對牀眠又有槽溪叟仍成膠漆堅

龍潭渡口和鄭輝遠韻

昨日萍蓬樂今朝遠別愁行鞭挽不得追袂到前流楓老
紅粧峽蘆飛雪蒲洲臨分一杯酒那得慰區區

附原韻

桐溪

千里如期至三年不見愁悲歡驚舊面離合問江流秋
晚霜風岸鷗寒蘆荻洲懸知歸去後一夢在清區

次鑄寄兩弟韻回寄鑄

自汝離吾抱誰教汝學詩倚閭今久矣陟屺我知之花發
清流洞魚躍綠漲池去年遊賞地春暮更為期

贈別李咸陽大期

此日足可惜與君分手時韶華能幾許鬢髮各成絲得酒
惟須飲逢歡且莫違尋真方丈約宜速不宜遲

贈別南兵使以興移節關西

數闋驪駒曲秋天肅氣生旋旗明日月號令迅風連直指
關西路期清漠北腥歸來報聖主麟閣煥功名

次李長而文汝幹弘運酬唱韻

平生堪自笑辛苦事炊沙晚得休休法時吟浩浩歌澄心
防慾浪慎語戒風波敬服無求訓浮名於我何

挽李咸陽戊辰

玉樹臨風迥瓊枝耀日明我洋鍾伯契膠漆孟韓情西塞

悲身謫東邊頌政清風燈七十八題誅淚沾纓

挽李茅村癸丑

慟哭斯文喪吾儕有幾人德成才不展學就舍無隣一疏
緣明主三鄉活瘡民山齋寥靜處誰復誨諄諄

挽吳府尹

雲號
白巖

天上雙星耀人間五福專採蓮仍妙歲折桂又青年金玉
三朝老絃歌石里賢庭邊羅寶樹膝下筭貂蟬避世江東
地乘箕洛北天路遙遠執紼題挽涕潸然

挽鄭進士承尹

早歲名蓮籍稀年卽夜臺清貧原憲介俊逸鮑昭才得趣

綦千局忘憂酒一杯東臯幽絕處逕草爲誰媒

五言古詩

和玉摩詰句髮歎

昨見黑雲黑今看白雲白悠悠石歲間倏忽一過客徘徊
倍惆悵回頭日已夕黃葉落何時碧草生蒲陌

病起吟

病卧春未歸病起春已去簷間見鷺舞林末聞鶯語萬物
知時來四時相代序悠悠發長歎人生能幾許

我有一歌五章章十句

我有一張琴義農在時作曾經聖人手體制方且直龍唇

吐雲氣鳳尾含瑞色五絃備五音六徽應六律鼓商春叢
雪奏宮冬芽茁一彈南薰殿仁風吹六合再鼓西周都彩
禽鳴岐嶽三撫匡圍中匡人解戈戟漂流百代下絃斷無
人續鐘期去已遠黃塵生寶匣

我有一塊玉精英天地獨日暖藍田烟截肪備溫栗山蘊
輝潤山澤藏媚生澤所以君子人佩不離頃刻天子分五
瑞五等次以爵聖人齊七政璿璣以窺測夏商貴瑚璉宗
廟盛黍稷垂瓊注黃流無言自奏假至寶空蘊積衆目混
魚目嗟嗟和氏子抱璞三見別

我有一長劍磨之十年一烈烈青萍鋒直直蓮花鏢抽鞘

試拂拭明霜耀秋日蛟龍水可斷犀象陸可剗敵諸君王
前兇醜從可馘自矜有所恃無往不自得一進金門前虎
豹守九關再進辟雍外環橋徒雜沓終歸十上勞兩鬢千
莖雪世無張雷眼龍光橫斗極

我有一良驥以德不以力或云溷淩來或云滌河躍兩耳
批秋竹雙蹄削寒玉醴泉水渴飲玉山禾飢食欲騁千里
途欲買連城直世人昧天才滄滄視之劣所好就價微鴛
鴦之蹶齷房星空熒熒龍媒老槽櫪秋風吹永夜何秣鳴
跼蹐孫陽在何處垂首鹽車服

我有一間屋茅簷長寂寂人喜千萬間我喜僅容膝人喜

積金帛我喜貯甌石牀上萬卷書堯舜孔孟說窓邊五畝
園寒梅與綠竹時耕江上田禾麻雜菽麥時釣滄江魚銀
鯉黃鯉鱖室中教子孫斯夕忘飢渴望以無疾病勉以少
過失如斯送餘年途窮知免哭

次長孫瀚永韻

久棲碧江上誅茅初卜吉潛光圭竇中出門無所適偷閒
事幽討牙山之古剎峽岫見深殿金碧耀山曲沙彌皆識
面欣迎舊情篤况與二三子從前意氣合風楹豁談笑歡
棕生索寞隨山倚鳩杖尋雲躡鳥舄遠害者鹿遊染黑知
歲漆離家已逾時誕節撻丘葛吟詩弄白筆論文坐管榻

三老靜裏趣何殊
橘中樂水態淨淵
洲山容高岵岵透得
仁智體內守無不足
事既有終始物豈無
本末味佳多雋永
鐵餘奚鑄錯世人
恒殊調趣舍異格
局臨害不知避
啗利口流液求福
昧積善攘灾媚事
佛閒忙趣不同
仙凡路迥隔
吾徒淡水交
其何露圭角
心存真實意
面動敷腴色
行色如青天
令人見白日
或以戒兒孫
又與情友約
老毛言愧聖
謨盡蛇難
箴拙

感舊遊一章憶亡友河子常恒

吾友河子常
昔年構精舍
青山在其後
流水在其下
幽蹤寄此間
心事淡而雅
圖書一室靜
軒窗絕蕭灑
我是托知

已哉洋指下瀉約為南北
居閒擬香山社那知鬼不仁
奪我知音也踽踽
人世間偷生已苟且
今到舊遊地遺臺但破
尾座有孔懷人
鴿情非外假又有胤
胄賢早歲捷司馬
各抱感愴意忍傾春
風竿悠悠我之懷
耿耿終難捨言志
非為詩恨無知己者

六言絕句

和百泉寺一甲會韻

丙午春二月旬百泉寺一甲會
願終始守此心
金石如無內外

七言絕句

學勿失時 辛未

為學孜孜當及時時移歲去悔何追四十無聞無足畏莫
臨衰境只懷悲

過勿憚改 辛未

人言我過我當思有則改之無自怡子路喜聞能勇改端
宜百世作人師

閒中悼懷

閒中常悼少時懷忠孝君親兩勿乖風樹悲啼身且老悵
然空自撫殘骸

批子鐫陳情和詩叙

知過誠難悔又難倘能知悔改之端從今定脚如曾勇濶
步期趨誠意關

過亡兄舊居

寥落遺墟草樹荒枯梨依舊靠頽墻臨風落日無窮恨問
與江流誰短長

寓居嘉坊月夜詠懷

傷時一念轉悠悠揮淚徒懷漆室憂不知毛將謀何事鴨
綠留兵已十秋 時有毛文龍者擁兵來駐我國境上已
經十秋不知其意之所在疑而賦之

遊青谷寺四章

誰取冷然列子風斜陽來訪古禪宮琪樹丹崖仙興足一

尊相對世緣空

右蕭寺尋朋

少年磨劍此山中
映雪啖蔬在賢功
萬事如今成一夢
羞將白髮對秋風

右禪窓感舊

故人家在碧江東
生少年同志亦同惆悵
如今泉路隔暮鴉啼散白楊風

右江東悼友

世間平地起風波
喜喜悲悲哭又歌
爭似老僧閒意足
白雲生處卧煎茶

右山僧管閒

敬次灌圃魚先生雙磎寺八詠樓韻并序

丁巳冬余在浮查第河上舍子平燈過之袖出一素紙同裹一詩帖以示之曰此乃吾外曾祖魚灌圃手迹子

其移書之以與我我欲刻之板懸於雙磎寺邊鶴樓使後人知八詠樓之所由作也余於是披而閱之乃魚先生雙磎寺八詠樓所題記及詩和之者有金克成黃瑋閔壽千黃汝獻朴世煦諸賢之作亦皆先生之手自書者也噫先生余所景慕而與余有連派之分又先生少肄業於吾曾王父校理公故手撰校理公碑銘余每以未及摳衣為恨今者何幸得見先生咳唾之珠璣心畫之鐵索當日精神之所凝聚筆跡之逼真竅茲可想矣為子孫者桑梓尚恭况此神會處乎宜子平之愛而寶之欲傳於來世者也余亦有所感焉昔余弱冠讀書

雙磎寺身登八詠樓仰見楣間有先生記及詩洎諸賢
作愛而詠之謄而箴之及其年久而旋共之常以不續
舊遊爲嘆丙辰秋丁巳春再入雙磎樓爲兵燹所焚月
戶風軒銀鈎鐵索并爲灰燼余於是有感舊之懷勸寺
僧謀所以重建則寺僧無有應之者於是益嘉仲暹創
立之壯志益敬先生物外之風致也今予所求適出於
余所慨嘆欽慕之餘嗟余年過八九筆路荒拙安能副
君望然不忍孤索而負初志也故首言先生之記次書
先生之詩青蘿椽亭及庵柳村諸賢之作次次書之余
又步其韻叙其事嗚呼自正德丁丑至萬曆戊午首尾

百有二年其間天道之變換人事之遷易不知幾更興
廢獨先生遺筆不見失於兵火中使後人復見先生之
真筆所謂善藏者藏於天者也如使山僧之好善如仲
暹者出焉則安知子平之爲此舉亦如灌圃之勸仲暹
也哉先生諱得江字子游咸從人晚居鐵城之混沌村
自號混沌詠潭泉石居士灌溪抱甕丈人其平生出處
退溪先生所撰詩集跋詳之萬曆戊午正月旣望浮查
主人伴鷗閒翁昌山後學進士成汝信謹識

千疊雲山五沙溪碧桃深洞紫霞迷行隨錦浪偶然到地

與武陵同品題

溪出自雪峰鶴洞寺前七佛洞
紅流洞等處而合流故云五溪

浮查集

卷一 詩

十一

右洞合五溪

何年星隕轟荒原四字雙刊萬古存天為儒仙留勝迹至

今雲物護崑門距寺數里許兩石雙峙西刻曰雙溪東刻曰石門右門刻四字

儒家筆跡釋家詞鐫入貞珉閱幾時仙李乾坤羅日月千

年舊物獨斯碑故真鑑禪師碑唐僖宗光啓年間崔文昌所撰書右龜戴古碑

以時為客任逍遙慣見橫溪卧斷條五十年來重到此陵

遷無處覓仙橋自八詠樓向邀鶴樓其間有一小溪老木橫卧其上今到不見故嘆之

右澗橫老木

雞峯高並鶴峯蒼月出雲來灝氣長日夕悠然無限趣憑

欄幾許入瓊章白雞山名與青鶴洞毗廬峯相對而峙右白雞當戶

曾聞洞裏可耕田避世幽栖問幾年欲扣巖扉塵夢罷牽

牛無乃種桃仙余嘗夢入青鶴洞逢牽牛一丈夫問答未了忽驚寤故云塵夢罷

右青鶴尋仙

天王峯下發初源奔放西南過石門流入碧江成一帶雨

三茅店是漁村右橫洞蟾江

甘辛世味飽曾諳自放林泉分所甘看盡頭流山盡處橫

分一水界湖南右對岸湖南

觀物

竹色春秋堅節義川流日夜洗塵婪若能觀物知三反俯

仰乾坤豈有慚

江湖晚興

萬事如今入掉頭江湖身世伴沙鷗
桃花錦浪多肥鯪
上漁舟泝碧流

九月將盡

過盡江南九月天滿山紅錦照晴川
江山不老詩人老危
鬢添霜又一年

到青谷逢金察訪永續李忠義城柳秀才仁培諸

君琴酒會話

鞭驢來入水雲間楓葉粧成錦繡山
又遇諸君琴酒會浮
生猶得整時間

夢與巴山李明恕兄弟話

夢與巴山李氏子從容談笑吐深腔
覺來身卧青氊上夜
未三更月半窓

觀姜秀才讀中庸

人文宣朗出於天大道昭然萬古傳
聖祖賢孫相授受一
篇着了數高堅

贈吳仲賢

暮年千里遠遊人剪燭山堂夜話新
得共由来知有數霜
蹄蹶莫嗟辛

夢與朴子澄話名瀛朴甯阜之子與
余少時同榻之交

夢見榮川朴子澄儀容宛對舊情稱山川千里音書斷一
榻論文又豈能

人日未題詩已已

今年人日未題詩只為無人寄我詞獨坐閉門風氣冷惟
將黃卷教兒孫

里仁為美

犬吠雞鳴達四鄰村南村北自相親風淳俗朴斯為美莫
使令人愧古人

觀毛文龍檄書

毛文龍檄我國之書曰一人之下
萬人之上皇上許其便宜廣天之下
無足畏者擁蔽奸臣流毒四海吾將牧馬
義州掃除奸兇肅清朝廷王請勿疑云云

毛公形迹夙余疑常恨其中未測窺今見檄辭兇狠極不
知時事竟何為

謝安君明仲折贈一枝梅

名彰漢
號陽谷

謝君聊贈一枝春香襲浮查處士巾馨德由來吾所取歲
寒心事許相親

東都遺跡七首

百結先生太古心隨身惟是一張琴東鄰西舍春響傳
上覲絃鐵撥音

右確樂○百結先生家貧而善琴歲將暮
鄰里春粟其妻温有語先生乃鼓琴作杵
聲以慰之
世傳確樂

唐羅天地八昏庸黃葉青松叫九重色舉歸來雲壑裏遺

莊只見舊仙蹤

右書莊○羅未崔致遠知王氏受命上書羅王有雞林黃葉鶴嶺青松之語王惡之致遠即挈家入伽倻人以其所居名上書莊

尸諫曾為聖所許金公今又俾余欽路傍芥屋聲母去終

使君王激悔心

右墓諫○新羅真平王好田獵金后稷諫不悛后稷將死遺命其子葬於王遊田路側王後出獵有聲若曰王母去者王聞而悲之不復田獵人謂之墓諫

東海鯨波渺接天良人一去幾時旋峯頭悵望無窮淚化

血千秋石更堅

右鷓述嶺○訥祗王弟味斯欣為質于倭久不還并堤上以王命入日本竊遣欣還國倭王怒而燒殺之其妻上鷓述嶺望日本日夜慟哭而死佔畢齋有詩

色敗人心國自傾花王一語為君評羅代文風公始倡至

今文廟配羣英

右花王諷○薛聰諷神文王曰臣聞花王今文廟配羣英之發艷也有一佳人名曰薔薇請薦枕又

有一丈夫名曰白頭翁進曰雖有綠麻不棄管蒯王亦有意乎凡人君親近老成而興昵比天艷而亡花王謝之云云王愀然曰子之諷切矣請書以為戒

漢家忠烈紀將軍為主捐生樹大勳千載貞心誰更繼羅

王般上有温君

右温君解○武烈王八唐還至海上遇高句麗邏兵從者温君解高冠大衣坐於船

志士仁人不愛生臨危肯變素心貞孤城風雨聲援絕叩

首呼天灑血誠

右訥催○百濟攻三城訥催殊死固守及城陷訥催死王聞之悲慟追贈之

三代遺風及我東淳庀民俗古人同當時并畫宛然在安

得復行吾國中

右并田○新羅時用并田法今遺基尚存

聖德淵宏格彼蒼垂頌玉帶作奇祥可惜孱孫終未守空

將至寶獻他王右玉帶○真平王元年神人降于庭曰上帝命我傳賜玉帶王受之及敬順王降高

麗獻于太祖

誰琢藍田溫潤姿裁成七孔笛形奇羅家舊物今猶在吹

起千年故國悲右玉笛○長尺有九寸其聲清亮俗云東海龍所獻歷代傳寶之

小山浮海自何來上有琅玕一笛材吹了萬波皆自息太

平風氣此中胎右萬波息笛○神文王時東海中有小山浮來隨波往來上有一竿竹王取以為笛吹之則兵退病愈旱雨晴風定波平號萬波息笛

吹之則兵退病愈旱雨晴風定波平號萬波息笛

奇形詭服處容翁歌舞王前氣像雄市上婆娑凌亂影至

今如見月明中右月明巷○憲康王遊鶴城開雲浦忽有奇形詭服處容翁歌舞王前歌舞自號處容每

月夜歌舞於市其歌舞處後人亦云月明巷李齊賢李詹有詩

羅王崇信沙門法日引緇徒八九重若也池翁書不獻當

時難免剝牀凶右書出池○新羅王十年正月十五日有老翁自池中出奉書於王王開見書中云射琴匣王入宮見琴匣射之乃內殿焚修僧與宮主為奸者也遂殺之曰名其池曰書出池

射琴匣王入宮見琴匣射之乃內殿焚修僧與宮主為奸者也遂殺之曰名其池曰書出池

多婆那國幾千里船積浮來泊浦邊誰識異人終脫解成

家六國信多緣右阿珠浦○多婆那國王舍達婆娶女國王女有娠七年生大卵王以為不祥棄之其女以帛裹置積中載船浮海至辰韓阿珠有老嫗開見之小兒在焉取養之是為昔脫解儒

其女以帛裹置積中載船浮海至辰韓阿珠有老嫗開見之小兒在焉取養之是為昔脫解儒

理王遂傳位

鍊石為臺高幾尺通中上下察天文孱孫不守千年業臺

獨崑然照夕曛右瞻星臺○善德女王時鍊石等臺高十尺通其中人由中而上下以候天文故

云

三風從古禍之萌未見荒亡國不傾不知門外來擒虎終

見宮庭亂敵兵右鮑石亭○鍊石作鮑魚形故名焉甄萱

遊鮑石亭忽聞兵至與夫人走入城南維宮

金鰲山頂松亭在聞昔高仙抱瑟遊彈盡新調玄鶴舞如

今徃事水東流右琴松亭○景德王時有玉寶高者八智

來舞遂名玄鶴琴又云玄

天降仁賢必有緣沒柯歌唱豈徒然博學訓人經義解至

今東土盛名傳右瑤石宮○太宗王時有神師元曉者唱

師欲得貴婦生賢子時瑤石宮有宗室寡婦王

勅宮吏邀元曉入宮留宿寡婦曰有娠生子即

望見楊峯日月形徃尋瓠宅卜玉城炭埋異術由神略千

歲羅基此日成右月城○脫解登吐舍山壑見揚山日月

謂瓠公曰此本吾祖家屋而曾禁冶匠時有礪

炭之埋曰掘以示驗瓠公乃與脫解居之婆娑

金城西畔始林間有雞聲盡徃觀金積開來誕聖主雞

林為號是其端右始林○脫解王夜聞金城西始林間有

於下王開積視之有小男兒在乃收養之名曰

井現神龍詭女兒老嫗收養作王妃天生賢德成閨範二

聖同心致至治右關英井○新羅始祖五年龍見是井左

及長有德容始祖納以為妃有

賢行能內輔時人謂之二聖

新羅始祖赫居世剖卵生成岐嶷姿東國千年王業創至

今人道誕生奇望右蘿井○漢地節元年高墟村長蘇代公

不見而有六郊剖之嬰兒出焉叔養之年及十

三岐嶷風成大郊部人立為君稱赫居世時人謂

以郊如姓

一髮孤城受敵兵禦無良策勢將傾忽有神人來助戰始

知陰騭自冥冥右味鄰王陵○儒理王時伊西國來攻金

攻賊破之軍退後不知所歸但見竹葉積於味

鄒陵前乃知先生陰騭曰號什現陵一云竹長

遺命難違墓海邊波間時見露蛇蛇故將追慕無窮意為

等高臺出半天右利見臺○倭國數侵新羅文武王患之

王從之墓後王追慕等臺望之有大龍見于水中曰名利見臺

舞劍年方十五六為王深八報王讐忠雖有裕孝非足令

母喪明吾汝羞右黃昌舞○有黃昌者年十五六善舞劍

仇王許之遂往舞於百濟通衢觀者如堵王召

入宮中舞之昌刺王於座遂為左右所害其母

聞之號哭而喪明

躬儉淳風古所難宮庭分績衣將闌名曰嘉俳為節日至

今遺俗在民間右嘉俳○儒理王分六部為二使二女各

率部內女子自秋七月既望每日早集大

部之庭續麻乙夜而罷至八月望考其績之多

小負者置酒食以謝曰歌舞百戲謂之嘉俳

君憐吾父代防秋妾喜君行許好速破鏡分持堅示信他

年成約共衾右分鏡○薛氏良家女也其父老當防秋

薛恨不得代爺有嘉實者願代父曰君欲

代我之行願以女妻之實請期薛曰既以心許待歸未晚也乃分鏡為信遂行至六年未還父欲強婚於他人薛固拒不從及實還衣破形枯不能識乃合鏡號泣約日成禮

西都遺跡首十二

鴻荒朴略無君長天遣神人作我王遙想唐克戊辰歲晚

生寒季意茫茫右檀君廟○檀君降于太伯山檀木下立於唐克戊辰歲是為前朝鮮

微子去之此干死佯狂雖異道同仁千載猶知崇禮樂八

條遺教被東人右箕子祠○武王十三年封箕子于東是為後朝鮮祠在城內

浮碧樓前江水流澄澄鏡面白鷗浮欲將竹葉為舟楫泛

向名區任意遊右大同江○一名湏江

千載箕都百尺樓朱欄丹檻壓清流太平文物今何處惟

見波心點白鷗右浮碧樓○永明寺東

蕭灑琳宮隔世塵觚稜高壓碧江濱暮烟籠處鐘聲起添

助名樓一景新右永明寺○在麒麟窟之上

東明王養麒麟馬騎上朝天跡尚存異說荒唐誰復辨至

今人道是天孫右麒麟窟○在浮碧樓下東明王養麒麟馬乘之朝天云

窟南奇石號朝天麟馬騎來謝玉鞭仙跡依然石不轉江

山無語鎖雲烟右朝天石○在麒麟窟南升天馬跡至今在石上

唐宗親率六師來一髮孤城閉不開終使玄花落白羽堂

堂萬乘亦云哀右安市城○在烏石山下險固無比

殷周遺法尚依然區畫分明古堞邊終使東人蒙至澤太

師恩德迄千年

右井田○在外城內
箕子區畫遺跡宛然

天孫逃難到江頭欲濟無梁孰艤舟魚鼈成橋終利涉始

知神聖異凡流

右淹流水○扶餘王金蛙子朱蒙有勇力
善射諸王子欲殺之朱蒙逃至淹流水欲

渡無梁追者將至蒙祝曰我是天帝子河伯外
甥於是魚鼈成橋渡至卒本川立國而號高句

麗亦號卒
本扶餘

太伯山熊化女兒天神仍嫁誕神姿國人推戴為君長東

土為邦始此時

右太伯山○一名妙香山有一熊常祝于
神願作人身神遺靈藥使食之熊遂化為

女生子是
為檀君

水邊兒女柳花名慕漱相逢卻有情日照有娠生大郊郊

中誰識誕奇英

右漫勃水○金蛙得女子於漫勃水問之
女子曰我是河伯之女名柳花有一男子

自稱解慕漱者誘我於鳴緹邊室中私之不
父母責我無媒從人遂謫於此金蛙異之幽閉

室中為日所照有娠生一大邪置之
暖處有男子破殼而出是為朱蒙

過石灘有感

恭愍時李正言存吾上疏極言辛毗
誤國之罪王怒貶長沙監務後居公

州之石灘憂憤成疾
而歿歿三月此誅

為臣何計糧相仍面叱君邊誤國僧一斥長沙天日隔石

灘鳴咽怒濤增

威化島

高麗辛禰謀攻遼陽使我太祖將兵屯
威化島亡卒相繼禰督令進兵太祖乃

喻諸將欲除君側之惡諸將皆喜而從命於是
回軍渡鴨綠江時久雨木不漲及旋師渡岸大

水驟至全島壑没人皆神之
○島在鴨江西二十五里

天生神聖豈無億萬人心共戴仁決義旋師寧社稷根

盤仙李幾千春

茸長寺

金東峯時習五歲能屬文魯陵之後併狂為僧號雪岑八金齋山中據此寺居之

年才五歲擅文章晚節佯狂豈是狂
逃禪誰識逃禪意只為舊君終不忘

到黌堂吟

聯鑣來八孔氏庭殿宇巍然彩
耀明千載斯文猶未喪吾儕盍亦勉而行

騎牛渡水

自朴凌虛書樓還山到伊川水漲不能渡得野牛相替而渡

黃柳扁舟既同渡枕流漁艇又同乘
歸來更騎伊川犢三老宜稱物外朋

次權冲齋撥韻

有序見上次孫七休韻

天降文忠道已東扶綱植節在吾公
兩賢廢慕今如許一紙清風萬葉中

附原韻

冲齋

清風峻節冠吾東扶植綱常賴此公
歎賞慙慙孫按察精誠相照一紙中

赴遊山約

二首

莫學中途求也畫須從絕頂退之升
飄然共駕玉喬鶴飛上頭流上上層

今朝已辦雙芒鞋作意登山殊未已
獨立峯頭下見之萬

里滄溟可杯視

上山

自下登高有妙理心忙行速上之難從容勉強行無已然
後方知世界寬

頭流歸路遇鄭察訪允穆吟贈一絕

出山人遇八山人疑是飛吟呂洞賓萬壑雲烟吾已拾頭
流風景想應貧

附次韻

鄭察訪

來傳佳句忽驚人君主騷壇我作賓物色分留知己小
頭流歸去錦囊貧

九曲詩并序

中國有武夷山高三百仞周百餘里峯巒之大
者三十有六兩岸絕壁人跡罕到清溪九曲流
出其間溪上有武夷精舍晦菴朱先生藏修處
先生作九曲詩傳于世今此琴川九曲之佳絕
亦何異於武夷之仙區但曰其地占其名摸寫
風流如晦菴者無之勝地埋沒迄無傳之者今
据此地考驗其實則頭流卽方丈方丈乃三神
山之一也秦皇漢武願見而未得者則山之靈
異奚啻武夷萬壑千巖玉溪爭流流過轟石樓

前則蠹石乃嶺南第一溪山也菁川芳草豈減
於漢陽鸚鵡琴川之水源發於頭流匯而為菁
川下而為南江走而為琴川則琴川之九曲實
由於頭流之萬壑其與武夷千壘之流而為九
曲有何讓焉今余既名其地為九曲水又詠其
旨為九曲詩係寫於洞約之後唯我一洞諸負
共遵約條共成美俗共遊勝地共賞勝事熙熙
然皞皞然自然流入於洪荒朴略之世界不知
何者為是何者為非何者為榮何者為辱朝如
是暮如是春如是秋如是今年如是明年如是

不知年數之將至可以終吾生而倘佯矣天壤
之間復有逾於此樂者乎諸君子以為何如浮

查野老書以示諸同志者

一曲曰鳳鶴臺在栢洞南西臨大野南望長林二
水拖靄而來三山攢碧而聳千尋

翠壁左遠右迴百株蒼松前挺後隱無
鳳凰臺黃鶴樓之景故名之曰鳳鶴臺

一曲流迴鳳鶴臺澄澄漾漾鏡新開三山二水今猶古愧
之詩仙迹鬼才

二曲曰黃柳洲在鳳鶴之北深
有舟淺有步

二曲溶溶黃柳灘明沙白石走瓊湍漁翁不管興亡事唯
伴沙鷗把一竿

三曲曰馭風亭在數馬亭之西千仞危巖俯臨鮫窟百尺長松挺立巖上古有亭今無矣為一方名區遊人攜酒往來者不絕焉魚灌圃真鴻亭上梁文所謂馭風亭時難下窺者也

馭風仙子去無蹤三曲巖邊百尺松森森烟波誰管領舊磯無主碧苔封

四曲曰卧雲瀨在北坪西長潭一帶橫截十里許瀨上有平蕪甚廣洞人春秋修稼地之

耕雲西畔卧雲汀四曲長潭淡更渟九九三三修稷地風流何似晉蘭亭

五曲曰赤壁灣在水清浦之南或曰吳谷在其東古之赤壁在吳地亦從吳字而有

是名未知是否其東紫崖環遠故名之曰赤壁上下有湖兩湖之魚往來之路春水生漁人網集故有魚即攜網逐新流之句

月白風清壬戌秋蘓仙乘興泛蘭舟五曲如今誰作主漁郎攜網逐新流

六曲曰松江津在松岡下故以松名一名龍堂昔者吾友河子常結齋棲息於其上今亡矣夫古松江甫里子所隱故有江湖散人之語津有舟

我是江湖一散人行裝隨處任天真六曲澄澄烟浪濶筆牀長與白鷗親

七曲曰伴鷗洲在浮查東丁酉夏翁避亂金陵庚子春始還鄉土避暑於此仍以伴鷗名之詳在伴鷗亭記

伴鷗亭下伴鷗洲曾是閒翁占斷丘忘機忘世無忘我七
曲知鳥我菟裘

八曲曰臨江亭在挹碧堂之東由亭下直走鋒峯
前者自古名之曰相雨溪由今觀
之蒼山骨立碧水奔流奇形異態絕妙於瞻
烟雨中正似畫圖濃墨之狀故以是名之歟

步出江亭泛小舟倚舷南望水連天欲知八曲添奇狀烟
雨空濛滿一川

九曲曰瓊心潭牙山之北有大趣洞洞口有瓊新
潭潭之左右有絕壁雙峙者左曰
鶴樓巖右曰瓊新巖巖下長川之深且澄者謂
之瓊新潭到此則山益青水益綠山光水色相
輝而無他色經楊白沙和映而無他物人烟
藪仙趣頗多翁喜之每於春秋攜冠童乘小
樓巖之上或欲營數間精舍而未能焉

翠壁千尋擁碧泓山增而綠水增清行尋九曲更佳絕問
與武夷誰身兄

養直堂八詠

兩三茅屋竹林邊暮暮朝朝起翠烟若使連連無斷絕可
知昭代太平天

右竹林炊煙

江水磨銅鏡揮清夜來漁火燦星明不知何處寒山寺未
聽疎鐘夜半聲

右江天漁火

五峯連亘遶東邊翠蓋森羅上山巔欲識後凋無變節要
看霜雪歲寒天

右嶺秀蒼松

晴嵐橫帶碧山腰添助詩人逸興飄安得龍眠揮彩筆移

將此景八鮫綃

右山帶晴嵐

秋來潭水絕塵清月色波光上下交一理清明誰會得請
從邵子問其要

右澄潭皓月

翠壁周遭廣野東霜風時起耀丹楓憑軒一夕成真趣欲
詠還嫌語未工

右翠壁丹楓

漁人網集三仙島枕石披簑卧月明夜深水寒魚不食空
教閒唱兩三聲

右南島漁歌

春草茸茸翠色交呼朋呼犢向東郊橫吹短笛聲三兩誰
辨宮商與六么

右東郊牧笛

浮查先生文集卷之一

浮查先生文集卷之二

詩

七言律詩

謝南兵使以興饋碧魚

半生江海一窮民八九光陰夢裏春對案幾多彈鋏歎臨
淵長作羨魚人柴門忽見朱衣使蓬戶仍傳碧海鱗多謝
將軍憐老悴却慚無路答鴻仁

雙磯寺八詠樓感舊吟 丙辰

明月雙磯新梵宇清風八詠舊仙樓興亡百轉雲南下世
代千回水土流書靜楓林雙蠟夜闌松榻一茶甌誰知

浮查集

卷一

詩

一

十載廬山客重到岳陽雪滿頭

江上遇鄭察訪并記○戊午

鄭允穆故相國琢之子戊午夏翁携凌虛遊百
泉寺來路憇虎灘江亭適遇鄭召村鄭欲吟詩
以贈我我亦心草欲贈鄭索紙筆於亭主亭主
不事紙筆者求之不得兩不寫出而散鄭相國
教授晉書時翁學尚書而讀之時年十五屈指
計之則已五十八歲到今思之寧不悵然一篇
都以其時事言之

老我年今七十三弱年曾拜相公函伏生口授心猶記劉

向心傳口尚諳烟樹微茫江左右雲山迢遞嶺東南逢君
更感儀形在欲說當時語未堪

東都懷古

鷄林黃葉起西風玉笛聲中逝水東五十代傳宮礎在一
千年過殿基空亭名鮑石秋蕪綠臺號瞻星夕照紅陳跡
依然悲麥秀撫琴閒坐送飛鴻

西都懷古

肇自檀君逮太師封侯六國始克時星分箕尾雄東土地
接高句界吐隣仁貴搃兵唐鎮設右渠遠詔漢軍夷悠悠
興廢東流水芳草離離舊殿基

與百忍齋李子舉 鯤變韻

朝發東城汝順家霜花著地白如沙
疲僮戰慄膚將裂瘦馬凌兢步欲蹉
自笑浮生攜短策堪憐沉晦抱長嗟
回瞻海北山千疊遙憶美人天一涯

和河子敬性鳥嶺途中韻

虎豹耽耽守九關丁寧天語寂無聞
誰懷血疏辭南國獨抱深憂出北門
嶺路間關秦樹隔洛波溶漾楚江分
前途莫歎多荆棘擬上蘭皋與子耘

和挹碧堂韻

衆峯飛舞自崆峒相對軒窗翠似葱
一水拖青圍舍北萬

竿抽碧繞墻東眼通鷗鷺蒼茫外思入雲烟杳靄中
欲賀華堂今肯構誰知五世一衰翁

凝石寺與趙瑩然璣兄弟相和庚申

爲人性癖尋佳境酷愛溪聲分外清
八洞喜聞人語響傍林欣聽鳥嚶聲
夜憐嶺月憑虛閣朝愛巖雲倚畫楹
聯襟仍共枕邀遊物表儘多情

與鳳岡訪凌虛書樓仍次其韻

高樓新起敞軒楹野老來登眼轉明
北望菁川芳草嫩西瞻方丈暮雲橫
韜光山野非求利散跡江湖豈爲名
大叫鳥盧忘世事閒中此樂有誰爭

次鳳岡會睦鄰亭韻

三首○亭在琴山黃柳灘之上

歷覽頭流與集賢
毫端時見起風烟
欲驂喬鶴超塵世
擬駕簫鸞學地仙
望裏危巖波裏倒
眼中真境夢中懸
多君更友能詩身
康樂應誇有惠連

送春佳會碧山頭
賓主東西辨勝遊
大野四圍青似染
長江中割綠如油
仍知物性乾坤惠
轉覺人生宇宙浮
簪盍良辰真一幸
須將歡伯破千愁

我住浮查君鳳岡
亭雲煙樹杳蒼蒼
交連父子唐韓李
義結婚媾晉謝王
共轡賢山遊梵宇
聯襟玉洞訪周庠
竒巖知在滄江上
欲馭冷然倒玉觴

贈崔汝凝

游

君是中原第一人
漂流嶺表已三春
宵藏萬卷師賢聖
筆走千篇法鬼神
內守裕如寧外慕
簞瓢自樂不憂貧
江東老叟相思久
安得移家接孟隣

上法界寺

超然身世出人寰
隨處仙區景物閒
松碧巖邊烈士氣
楓丹壁裏醉人顏
杯看象海蒼茫外
塊視諸山杳靄間
喚取仙童來駕鶴
明朝上謁紫皇還

挽郭忘憂堂

三首
丁巳

玉京曾作玉皇臣
謫在人間七十春
書劍行裝甘沒齒
刀

主計活任全身直時直疏撤天地制教奇謀動鬼神莫道
重泉終閉魄長虹應已化星辰

耻隨流俗共沉淪獨守衡茅樂養真千駟未回伊尹志萬
鍾寧奪子輿貪傷時淚灑巾沾血憂國誠深鬢尖春莫道
茹松追異術留侯豈是學仙人
俱是姜家外派孫枝雖殊萬幹同根菩提寺裏書千卷嘉
禮村中酒一樽往事悠悠誰解說秋雲漠漠向天昏著龜
一失林鴉滿何處人間聽直論

挽吳府尹

曾卜芳隣襲玉芝通家來往許心知夜闌池閣詩千首春

老溪堂酒一危滿地干戈長作別連天雲樹幾相思屋梁
殘月驚孤夢回首滎陽淚自垂

挽李梧月堂

堆誠子

琪花苑裏玉麒麟來作金閨第一人江左臨民民頌德湖
南佐幕幕興仁忠勤志篤由誠懇友愛心純出性真餘慶
綿綿流不歇一庭蘭玉揔振振

挽河滄洲

燈癸亥

駒隙駸駸石火忙來從何處去何方晉鄉三姓河烏大筍
氏八龍喪最良伯道無兒天漠漠巨卿有淚地茫茫盟成
偕老還同穴瞻望雙旌自斷腸

挽姜士孝

孝子名家舊翰林賢孫今又繼徽音雍容美質溫如玉謹
厚風儀煥若金身有善行人共愛心無慙德衆皆欽去年
秋暮華堂話今日誰知寄挽吟

七言古詩

思歸吟

我來正當春暮月紅白花稀烟雨中我留仍過四月天綠
樹陰裏生清風光陰冉冉不待人鸞舞鴛鴦歌空斷腸多端
愁緒寄短篇思歸未歸歌更長

山中吟

三仙出碧洞暫向人間遊歸來蘭若靜桂樹山之幽卧白
雲弄紫霞與子同淹留

返舊居行 乙酉

我家何在江之南一去飄然遊四方齊郊燕市或悲歌秦
山楚水空彷徨迤邐歷落極備嘗然後始得還家鄉鄉園
依舊物色全竹闥清陰梅吐香堂室庭階各有序門巷清
幽真趣長回思疇昔客遊處猖披蹤跡如癡狂從茲雖得
莫居樂却怕蘭畦荆棘荒幽貞不遷願不貳勿放鷄犬爲
人攘

記所見一章章五十句 庚子

今春創立浮查亭上覆以草下未飾今秋準擬歌落成借
力伐材東吳谷東吳之山高薄天老脚登登或顛蹶隨匠
攀蘿上上頭瑤草如苜倚石角丁丁斧響亂巖巖落落長
松幾千尺龍顛虎倒頃刻間白刃閃閃山鬼泣霜皮溜雨
削如菘長短方圓任繩墨既歎良材有遇時又喜良工能
食力無何白衣翩翩來去是姜家雙白壁披雲尋到我所
在獨坐聞是寧不悅草樹翳密路且阻問爾何爲來歛忽
曰吾兄翁相謂曰丈人孤眠在山省盡往見之於其間半
日偷閒慰岑寂所以持竿緩緩行垂釣溪頭引金鯽投焉
夷焉一罩盈不似昌黎温水得大者膾之細者烹炊以香

粳間黃粟單僮非婢負且戴盤中飢餒稍羅列嗟嗟此意
良以勤者來感歎情何極食之何憚腹果然飽飫轉覺輕
侯伯俄然兩生忽辭去役罷陰崖生頊色驅羸暮投柯亭
村村是柯亭無蔡管籬落蕭條鷄犬稀黃昏憩息一茅屋
主翁姓名崔鐵文夫婦同居皆白髮年老貧窮無子孫明
知不遠顛溝壑明松鄉養我一笥果頰虬外與青皮菽自言
生長此村中目見太平時日月風淳俗美耕鑿安塵清四
海狼烟熄那知將老遭亂離蕩盡家財窟巖穴如今縱得
返鄉土十死餘生難更活况復年年徭賦煩吏胥日日催
科急催科雖急筋力衰翁姑營家有何物賓來陋幕待無

討但願身安宿溫突怡然就寢夢寐甘喚起聲中窻已白
平明騎馬出林外南陌東阡晚稻熟松峴逾來過松岡擡
看胡爲令我感平生知己河故人構齋蒔梅此棲息備然
襟韻迥出塵皎如玉樹風前六何幸吾生托末契自期陳
雷膠棗漆勸我誅茅斷南崖將使欄楹歷蛟窟巖樓相對
互來往有似溫生洛南北佳期末遂事已訛落日山陽空
躑躅遺墟寥落墻砌頽一區風烟屬樵牧靜言思之傷我
心惟有長江流不歇流不歇兮渡須臾瞻望查亭載馳疾
柴扉剝落卧不關知是迂儒生理拙兒孫拾粟見我至爭
來挽衣誰喚喝室中雖無酒一樽案上便有書千帙開卷

高聲讀一遍如病得蘇心快豁千年謨訓載昭昭萬古興
亡者歷歷此行不可無一語聊命尖奴記顛末

記所見長篇

萬曆庚申三月暮浮查野老騎驢出先登方丈訪隱淪又
入賢山叩石室行過桐林詠思舊桐林古有崔君宅崔君
乃是吾故人舜欽其名字汝一貧居縱之朝夕資養親常
看甘旨足聯襟蕭寺對黃卷懸髮明燈恒兀兀今來往事
杳如鴻俵俵孤形等遼鶴三君云是晉鄉一凜凜高義秋
天薄尋真同御款段行澗水交流鳴號號山花落盡山鳥
啼只有千層紅躑躅揮鞭朗吟野興狂忽見禪宮高峽岼

胡僧六七义手印巾白衣緇無舊識東溪石面舊蹟存觀
瀾臺字蒼苔刻勝跡還為水伯怒狂瀾觸劈溪心蠢徘徊
石盤弄潺湲繼以綠酒三杯酌僧言山寺無別味肴以園
蔬與山蕨俄然碧樹暝色生促返松窓倚松榻夜深靜卧
百念灰向晦方知入宴息蘧蘧夢覺曉鐘動樓頭缺月窺
窓隙精神灑灑塵慮斷入定間僧共寥寂杲杲日出未久
起身靜心閒誰我若嗟嗟此行非偶然回首人間塵幾尺
他年如得續茲遊寄語三君須記憶

遊仙辭贈趙鳳岡

龍不必在深淵斗水可以活其鱗虎不必在深山叢薄猶

能隱其身仙人不必在三山塵間尚可頤精神君居鳳岡
我浮查咫尺相望為芳隣神遊物外任蕭灑汗漫作伴喬
松親今來牙利又同遊青牛行色伊溪濱松窓晝永午睡
足枕上剝作羲皇民丁丁一局闔雌雄却忘世事浮雲新
床頭又有謫仙詩麗句吟來能養真君乎君乎聽我歌何
必躡方壺友子真然後方可謂之神仙人

逢君話君歌一闕贈送李提督三省赴重試之行

逢君直隴石樓十年前亂離中舊面目話君四教堂河汾上
文中子湖學裏胡安之奮事業菁莪化洽青衿徒文行忠
信中毅率堂階立馬繫浮查浮查主人待以三杯薄酒一

孟鷄忝心內慙如今又向漢北行期上龍門三級上又一
級關河千里慎行李行路難行澁如棘今余送子贐之以
先聖六字符言忠信行萬敬也無他說知君平日愷愷行
黃卷遺言已佩服終能排紫闥八青雲九萬雲程趨步濶
狂歌一曲代送渭城一杯酒大丈夫淚何須灑離別好歸
去好歸來秋風江上一樽酒携手共行樂

遊頭流山詩

并序
癸亥

世稱病之難醫者謂之癖故人之嗜之過於中
者亦謂之癖是以杜氏有左傳癖鄧公有好馬
癖余謂余之遊覽其殆謂之癖乎余之齒今至

七十有八歲則可謂老矣人老則不能升高也
歷險也者脚力衰矣氣力疲矣而猶不自揣也
猶不自止也強與年少輩作隊隨行或扶之或
負之登覽億萬丈高峯然後已其為癖烏如何
哉余之癖如是也故少時遊京師登白雲臺三
山中角路中年遊中原登鷄足山在忠州寺
絕難升處老過東海沿邊六邑寧海盈德清河遊觀焉如
東都登鳳凰臺訪鮑石亭月城雞林之跡亦皆
搜剔而尋向焉至以近者言之則八紅流洞者
弄八青鶴洞者五八神興洞者三八白雲洞者

一个又登覽頭流山上上峯則此老遊覽之癖
抵死難醫堪可笑也於是作遊山詩一章凡八

十六句詩曰

歐陽公廬山高體用
韓昌黎南山詩語法

頭流之山高不知幾千萬仞兮截然屹立乎南極東有辰
韓之舊都西有百濟之故國北望五雲中中有蓬萊之宮
闕兮宅占丁戊後白岳前木覓美人兮美人兮不知為朝
雲為暮雨使我思之心惻惻下歷乎后土上薄乎穹蒼獨
秀乎雲表者乃是天王峯之突岬擁乾竇撐西日崔嵬而
對立者亦有般若峯之翠嶺湖南之瑞石月出江右之伽
伽閣岷低頭而屈伏無異乎巨妾金鰲在昆山卧龍蟠泗

南錦山峙花田防禦界晉咸者菁如嶽山之於丘垤或靡
然東注或偃然北首者安陰之德裕聞慶之主屹或似龜
圻或若卦分絲而纍纍然巖巖然參參然煥煥然不可
得以名焉者衆山之環拱于茲山而分列乎東西南北吾
儕結約洗心亭同行數子恣是豪而特秋風忽起凌雲思
手持青藜足芒屨堂堂趙瑩然身長九尺兮儀容仡仡斷
斷金汝輝琅琅乎瑋瑋乎山立而玉色曹家兩少年抱奇
才多清趣鳳之雛蘭之茁銳也隨杖屨云是家豚犬未隣
僧又有彥海名招為前導飛杖錫聯裾作隊沂清流瓊壁
鏗然走白石公田村外日將西薩川堂前月已白鞭驢急

投黃店中覆以椽皮扉以竹山家室少衆難容分占便宜
宿温突夜半翁忽痛河魚瀉痢如流如廁數朝來擡首氣
菴然似有命物兒猜我尋山窟翁年縱衰志不衰燕以白
粥安我輪困之腹朝哺蔬糲氣如常肩以微恙行還輟日
與諸君向前路伽葉麻田地名曰捨馬携杖始登登雲林
蔽天苔石錯落有人呼號久乃至陳君汝明追而及黃
眉青眼許同遊風懷亦可謂不俗攀緣石磴寸寸進脚顫
息急生偏塞同行有一奴仙僕其名多替力挽我背負之
不憚險易能超越有人束火來照之黃昏走入法界刹將
身已置寂高處快若乘風向寥廓頓神安寢塵念仄俯視

人間等蠛蠓清晨夢罷待朝起手闢東窓看日出東方漸
入紅錦中火輪輾上滄溟角六合清朗玉燭明物像森羅
千萬億江流爲帶束諸山何地是秦楚何地是吳越茲地
絕翔走但見蒼松碧檜雜丹楓間翠柏東躡世尊峯石角
如人六西峙文昌臺孤雲遺舊跡人言石刻有仙筆路險
境絕無由覲堂中有何物西南壁下坐石佛便有無窮求
福人脫冠擯手拜僕僕遠近男女老少羸糧齎帛綿綿焉
延延焉前來者下後來者上盈庭填路無時絕甚矣惑世
誣民之說能使愚氓競陷溺天玉峯上又有聖母祠俗傳
高麗太祖母死而爲神此焉託或云釋迦之所誕摩伽夫

人來坐神山自西域荒唐衆說何足信但見塑像塗粉施
丹衣錦帛何人倡此無稽語舉世波奔恣滯瀆嗟哉汚俗
難滌去噫乎舊染難變革昔有浮屠天演者排門突入撞
碎神軀投絕壁吾儒只守敬而遠之之訓不爲諂不爲襲
間節隨處任遨遊遍踏名區無局束東望牙山青未了知
是吾家在其麓浮查伴鷗寄幽棲一瓢生涯萬卷榻生逢
聖世爲棄物在澗之適矣不告今來閒放物表遊世事紛
紛一隍鹿蒼茫烟海浩渺外誰令染齒爲窟穴連年信使
縱相通時時來肆蠱毒毒龍蛇亂離那忍道三京失守兮
廟社幾顛覆搜山賊鋒遍茲山殺人如麻兮腥血汚草木

何幸如今聖化覃被子四裔海不揚波兮民物安耕鑿吾
儕得遊山水間一一無非由聖澤身高天不遠頭上星辰
手可摘步瀾意何長萬里山河輸一矚茲山得名有三稱
頭流智異方丈載古籍頭流山迥暮雲低李仁老詩尋青
鶴智異山高萬丈青園隱先生贈雲衲方丈山在帶方南
杜草堂詩中說茲山神異自古傳知是千秋名不滅况乎
東海中三神山方丈居其一儲祥產異無絕時山上多生
不死藥秦皇漢武求之而不得者此日輸吾雙蠟屐左挹
洪厓右浮丘儘是神仙中骨格餐霞步步拾瑤草回瞰人
間塵霧合仙遊既了返颺輪飄飄予身世灑灑予精神浩
浮查集

浩然如有得吾不知夫子之登泰山登東山程子之藍輿
三日晦翁之雲中南嶽亦如今日之豁心目又不知張騫
之乘槎劉安之雞犬王喬之控鶴孰如吾儕今日之恣遊
樂古今人同不同未可知只與造物者為徒而逍遙乎山
川之阿放曠乎人間之世無所拘而無所繫勝事不可忘
歸來記遺躅年是昭陽大淵獻月乃楓丹菊花節書於敬
義西翼室日則青龍旁死魄

辭

初樵辭

江湖有一翁學焉而不適於時十年操瑟兮兩鬢華髮風

蕭蕭耕也而不逢於年瓶無儲粟兮一瓢顏巷日空高休
休焉無營無思對黃卷而囁囁妻媪有語曰炊無薪鼎裏
之黃粱未熟突無煙夜窓之玉樓遍粟甚矣子之迂也學
孔席之不煖效墨突之不黔者耶一寒至此子何以為心
子如薪之請為子概彼釜鬻翁曰諾於是倩扁舟挹碧圭
人縱一葦煙雨長洲水光歛灑碧玉一片含清秋山色葱
籠錦繡千層倒碧流扣舷而歌之追蘇仙赤壁之遊苑爾
而笑方詠漁父滄浪之謳漁父詞第一章曰雪鬢漁翁住
浦間自言居水勝居山其第九章曰一自持竿上釣船世
間名利盡悠悠翁於是繼其詞作初樵之詩詩曰瞻彼牙

釐襟楛濟濟薪之樵之泛泛其逝中烘于燬君子樂愷君
子樂愷永矢不改又從而爲濯纓之歌歌曰濯纓芳江之
潭採薪芳江之南坐白石兮藉青茵聽松風兮邀素月淡
忘歸兮日將夕

賦

和鑽兒病中述懷賦

歲重光之作噩月攝提之人日守書巢而嗒然淡遊神於
冲漠有一孫曰澥永自南城而來告曰余今日病矣寫一
賦於仲叔百四十之成句八九轉其曲折命其題曰述懷
諱得病之顛末余聞言而憐之求厥藁而披讀首卿佳之

鋪叙次降生之時月效靈均之騷法原名字之攸得追子
美之詠懷述亂離之卒困慨魚魯之未辨悶詩禮之違訓
年燁燁而寢長業荒嬉而未專學何爲乎謬戾病何爲乎
纏絲欸一名之未立已百計之舛錯攜妻孥而遷徙西復
東兮顛越十行言之敷陳千萬懷之排拶父子情之天出
覽未了而心惻唯其疾之是憂夫子諄諄有說我亦依於
前聖知汝克夫他憂求良醫於楚南治汝疾而期瘳胡不
底於康寧每歎眉而酸呻余亦平生多感叢百憂於一身
今爲汝而歷言續李翱之幽懷懷耿耿其曷已語刺刺其
難裁受一氣於南天會三元於北極膺海中之地四應天

上之天一自孩提而岐嶷荷嚴慈之顧復教無乖於義方
不納邪而式穀俾遜志而時敏投明師而問質啗苦蓼於
槽溪枕霜石於加村魚千里而學道豹一變而成文齡十
三之未撫松塢史之誦畢當黃馬之剝月侍春庭於廬側
依翁體於膝下觀泣血之慘色猶恐子之無知披古文而
導迪燃松明而執筭達五更而勸督年未滿於志于已經
傳之學而齒才及於弱冠製論賦與策疑溢浮名於儕輩
馳虛譽於鄉曲刺史爲之嘉賞文士爲之嘆服然裨多而
實少懼工夫之未熟厭塵白之喧聒溘靜棲於仙窟伴定
僧而不眠于方丈之古刹穿管榻而孜孜磨李杵而矻矻

冬夜長兮漫漫五鼓鳴兮明發曾奚暇於假寐自不遑於
盥櫛二載秋兮繼徃三冬史兮涉獵雖立揚之末期廢面
牆之可免聯羣英而戰藝參計偕之鄉選縱可愧於小事
庶親心之載悅建投足於南宮觀國光而飲墨齋落魄之
行裝返故園之秋風徒定省之久曠拜土堂而冬烘又再
進而再屈命耶數耶誰問縱處困而思亨孰不知而無悶
嗟荏苒之光陰愍西日之易昃泣臯樹而嚶嚶攀玉柏而
慙慙草土中之六載春秋迫於而立瞻一身而子子顧萬
事而悠悠頓無意於世事隨漁釣而嬉遊外形骸而放浪
入狂荒之黨流然中心之有悔時及顧而追尤四五十而

無聞乃昔人之所羞疾沒世而不稱亦夫子之儆戒實迷塗其未遠盍余遂吾初計披黃卷而無怠對青燈而不輟勤忍飢而切磋苦咬菜而磨琢或泛覽乎史書或流觀於子集或聖經之嘉謨或賢傳之格說期鑿井以及泉誓爲山於九仞文欲追乎游夏行欲齊乎曾閔期厚積而薄發願勿忙於發軔世皆飾乎葩藻我獨爲之務實世皆趨於捷徑我獨遵夫大路孰方圓之相同宜與之以柄鑿井餘度之發解一省試之未捷朋友譏以玉筍親故咨其命薄嗟國運之不幸值龍蛇之變作暗腥烟於宇縣慘生民之糜爛擲家產而流離棄鄉土而四散攜妻子而鳥竄托金

陵之西隣恒載飢而載渴幾酸辛之飽更汝十歲之童子尚善安而能行觸豹虎之縱橫免險途之顛蹶賴天兵之威靈驅水蛇而決滌天之清芳地之寧廟社爲之光復爰挈家而轉徙返故鄉之煙月瞻桑梓而無恙拜松楸而依舊傍千竿之脩竹起數椽之拙構爲養子而經營揭知息以爲號汝兄弟之五人迭環坐于左右講典謨之遺訓談聖賢之法語晝開卷而相親夜對牀而共處不知老之將至自忘憂而忘食齒已逾於耳順尚舉紫之未釋排衆人之啞笑堅一心而益篤值黃鷄之秋風折紅蓮之雙蓼隨二百之羣英應金榜於丹墀鬱佳氣之葱籠裊香烟之絲

絲明日月於龍樓動旗影於鳳池名父子之高唱意君臣
之文孚恩祥風其共翺德和氣之同遊忘凍梨之衰顏喜
中興之新數捧白牌而南還羨鄉鄰之童叟縱五兒之欣
迎奈兩激字悲喜一小名之雖得感懷多而歡少遇桃李
之春風喜鑄兒之克紹一家中之二載兩司馬之遄出謂
門庭之慶事人爭致乎賀札孝孰大於悅親樂風風於一
室詎萬鐘之及此擬百歲而無缺何此歡之不可恃忽中
道而夭折路失回而垂泣夏喪明而慟哭魂一去兮莫招
魄一逝而難復吳之山兮柳之谷驚馬鬣之新封自失兒
而獨居懷悵悵兮忡忡或如狂而如癡瞻昊天其夢夢我

斷腸之楚猿汝失行之相鴈羌獨處此幽室閉門窓而長
恨孰揆余之中情魂迢迢其若亡筭吾年而屈指今七旬
其有六度無思而無慮付餘齡於閒寂汝何為乎抱蟋又
使我而心疚然余聞諸古語人微病則克壽苟善調而慎
攝恒戰兢而戒懼遠三芥於孤樹洗六塵於靈臺剗無慾
之神丹作不老之良材終天年而黃耆享無疆之遐福匪
我言之無稽乃治疾之妙藥汝三復而深思須服膺而勿
失

次別知賦贈別金東籬

辛丑安

夙余駕蒼龍兮路左轉於不周窮八荒兮歷九州知音者

焉是未遇之子於一揖信氣味之姱脩入蘭室以襲薰醉
和春以驅愁益者損者奚擇道也義也俱収聆洋洋兮水
之涯聽哉哉兮山之隈投木瓜兮報瓊琚蛇畫足之吾羞
語窮達兮論得喪龍絜鱗之子憂泛松江兮暢幽情句黃
白之交抽陟牙利兮縱遠眸滌煩襟於旋流何當歸之滿
把遡埴天而迴輶路漫漫兮雲浩浩嶺樹參天兮枝相樛
酌別酒兮詠別章塊迢迢兮若浮漢之北兮江之南摻子
祛兮難自由折寒梅兮贈子歸倚脩竹兮聊淹留

浮查先生文集卷之二

